



Denen Durchleuchtigen /

Hochgebornen Fürsten vnd Herren /

Herzn Christian

Herzn Joachim Ernst

Gebrüdern.

Marggraffen zu Brandenburg / in Preussen / zu Stettin / in Pommern / der Cassuben vnd Wenden / auch in Schlesien zu Crossen vnd Jägerndorff Herzogen / zc. Burggraffen zu Nürnberg / vnd Fürsten zu Rügen / zc.

Meinen gnädigen Fürsten vnd Herren.

Gottes Gnade vnd Barmherzigkeit / Trost vnd Heyl / vom Vater aller Barmherzigkeit / durch Jesum Christum vnsern HERRN vnd Heyland / samt glückseliger Regierung / Gottes reichen Berg Segen / gnädigen Friede / zeitliches Bedeyen / auch ewiger Wolsahrt an Leib vnd Seele / neben meinem andächtigen Gebet zuvor.



Durchleuchtige / Hochgeborne Fürsten / gnädige Herren / Daß die Metalle ein gnädiger vnd reicher Segen / vnd gute Gabe Gottes / vnd Bergwerck barwen / ein selige vnd ehrliche Nahrung sey / vñ Bergleute Gott wahrhafftig anruffen / gerecht / vnd selig werden können / Erscheint nicht allein auß dem / daß vnser lieber GOTT / Berg vnd Thal / Klüfft vnd Gänge selber erschaffen / vnd sie mit Flözen vnd Geschicklein veredelt / vnd seine Allmächtigkeit vnd Reichthumb drinnen vns fürstellet / da er noch heutiges Tages

xc ii

Metall /